

S: 宜家係週五好書推介既時段，今日我地會介紹劉慈欣既《三體》。劉慈欣係中國最有影響力既本土科幻作家之一，佢係《科幻世界》雜誌上面發表左多篇科幻小說同科幻隨筆，代表作有長篇小說《球狀閃電》、《三體》，中短篇小說則有《流浪地球》、《鄉村教師》等等。

J: 當你仰望星空，望住滿天繁星既時候，你有無對宇宙懷住美好既遐想？從細個開始，童話故事總係話天上既世界係好美好既。但係，呢本書既內容設定正好相反。書中以文革拉開序幕，葉文潔目睹父親被批鬥、被害既過程，又看到被欲望控制既人類淨係顧住內鬥，令佢對呢個社會有好強既怨恨。係機緣巧合之下，佢進入左一個探索外星人存在既絕密基地。佢私下向宇宙發送信息，請求外星文明黎拯救地球文明，而信息就被距離地球最近既三體人收到。

S: 三體世界既生存環境係地球人無法想像既。三體世界有三個太陽，呢三個太陽既運動軌跡係不可預測既，令到三體社會時刻面臨毀滅既危機。對於三體人黎講，宇宙移民係惟一既選擇。飽受摧殘既三體人知道地球既存在后，決定入侵地球。由此，人類同三體人就開始左入侵與抗爭，鬥智鬥勇既故事。

J: 呢本書帶比我一個好深刻既反思，其實我地地球人既所作所為同書中既三体人根本就毫無分別。正正因為人類無止境既貪婪，先會對環境造成不可逆轉既破壞。人類都係利用緊生存，社會發展等各種既藉口，大肆侵犯大自然物種既生存權利，就好似大量捕殺鯨魚、鯊魚等瀕臨絕種動物，過度開發森林資源，加劇溫室效應，呢D行為都令到地球變得不適宜居住。人類已經作出最壞既打算，係近幾十年黎都一直致力於探索宇宙，研究居住外星既可行性，既然知道繼續破壞地球會造成甘嚴重既後果，甘點解我地唔改變自己自私既行為，為保護地球出一分力，共同建構好屬於萬物的家園呢？

S: 其實大多數科幻小說都係以創意新穎既方式，影射緊現實世界面對既社會問題，為我地帶來深刻既反思。雖然劉慈欣電影版既流浪地球仲未係香港上映，但同學可以到圖書館預約流浪地球呢本小說。另外，圖書館亦正展出科幻小說既書展，有興趣既同學不妨到圖書館借閱科幻小說，例如倪匡既衛斯理系列，梁科慶既Q版特工系列。多謝。